


مجموعہ سنون

۱۸

جمعیت علمائے عثمانیہ



برنجی پتہ

ماہ محرم

نومبر ۱

اسٹانبول

جریدہ خانہ دہ طبع اولیٰ منشدر

۱۲۷۹

طبقات هوا به صعود ایدنلر ذکر اولنان مخاطره ده بولنورلر . اشته موسبو
کیلوساق و موسبو بریوسکینک ذکر اولنان مقدار دن زیاده صعود
ایده میرک مضطرب اولغه باشلدقلری یرده توقف و نزوله مجبور
اولدقلری بوسببه مبتدر .

(شاکرد)

کره نسیمک نه دیمک اولدیغنی اکلام . فقط اصل هواندن عبارتدر
تعریف یورمکزی رجا ایدرم .

(خواجه)

شمیلاک بو قدر یتشور . سز ذکر اولنان شیرلی ایوجه ضبط
ایتمکه غیرت ایدیکز . کله حک در سده هوانک نه اولدیغنی سزه بیان
و تفهیم ایدرم .

مجلس والا مترجلرندن

قداری

(سرعت عمر)

عمر انسانی فی المثل بطریقدرکه نهائی برورطه هولناکدر . وخامت
عاقبتی اول خطوه دن کوش هوشمزه القا اولنور ایسه ده تقدیر ازلی
یرنی بوله جفتدن مجبوراً ایلرویه کیدیلور . در عقب آرزوی رجعت
مرآت متخلله ده رونما اولور . اما سائق قدر مساعد اولوبوپ دائمی
ایلرویه سوق ایدر . اثنای راهده مهلکه مذکورده دن اجتناباً اختیار
اولنان انواع تکلف و مشاق باعث کمال تعب واضطراب اولور ایسه ده

ینه افتان و خیزان سمت معهوده شتابان اولق لازم کلوب اشته مرور
 سنین و اعوام بوندن عبارتدر . اگرچه ارالقده دلکشا چمنزارل و اقار
 صولر و رنگارنگ چیچکلر مثلالو بعض مرتبه موجب نشاط و تسلیم
 اوله حق شیلره تصادف اولوب بو مقوله یرلده براز توقف اولنمق
 استیلور ایسه ده بر لحظه سکون و آرامه رخصت اولوب هاتف
 غیبدن لاینقطع یوری یوری نداسی کلور . ووزاده ترك اولنان نفایس
 اشیایه نظر تحسره نگاه اولندقدنه انلردخی پایدار اولوب نقش بر آب
 کبی از وقت ظرفنده محو و نابید اولدیغی کوریلور .
 او مثلالو کذر کاهلردن چیده دست آرزو اولان بعض میوه و شکوفه
 برابر النمله کسب تسلیمت اولور ایسه ده چیچکلر صباحدن اخشامه
 قالبوب پرمرده و پریشان و میوه لذتبخش دماغ اولور اولز نظرندن
 نهان اولدقلرندن جمله سی و هم و خیال قیلنددر . اشته بو صورته
 دأما سائق تقدیرک سوقبله اول مغاک هلاک تقرب اولنور . اولخالده
 هر شیده آنا رزوال و انقلاب نمودار اوله رق باغچه لده اولکی رونق
 و طراوت و ازهارده اولکی لطافت و صولرده اولکی صفوت قالمز
 و مقدمات اجل بی امان نمایان اوله رق اول ورطه خطرناک یقلشدیغی
 حس اولنور . اما چه فائده کار وحشت مدارینه قدر وارلق متحتم
 اولدیغندن بر قاج قدم ده ایلرو کیدلکدن امتناع اولنه مز . و اول
 اشناده خوف و دهشت حواس و قوایی اخلال ایدرک باش دوئر
 و کوزل قارار ایسه ده ینه یوریمک لازمدر . کیرو دونلک مراد اولنور
 ایسه ده هیئات امکان مساعد اولز و درحال ظل زائل کبی جمله سی
 محو و مضمحل اولور * براب جوینشین و کذر عمر بین * کین اشارت
 زجهان گذران مارابس .